

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

Oratio ad Christum Dominum Pro impetrando ejus Spiritu.

[urn:nbn:de:hbz:466:1-50863](#)

*rituum elargire , ut pro salute proximi ,
arcana , quæ in corde ejus geruntur ap-
riant.*

I X. Prædictis denique , O Spiritus
Sancte ! adjungere dignare *Donum inter-
pretationis Sermonum* , quo res obscuras
variis modis à te revelatas declarent , ad
maiorem agnitionem , laudem & amorem
sanctissimæ Trinitatis. Amen.

*Oratio ad Christum Dominum
Pro impetrando ejus Spiritu.*

O Salvator mi ! quemadmodum Elias
in Paradisum raptus , pallium & si-
mul cum eo ferventem spiritum suum do-
plicem Eliseo reliquit ; ita tu in cœlum
ascendens pro hæreditate , Ecclesiæ tua &
cuivis ejus justo pretiosissimam carnis tue
vestem in Sacramento altaris reliquisti , ut
ejus sumptione , unumquemque alterum
quasi Christum efficias per similitudinem.
Obsecro te , ut fiat in me spiritus tuus du-
plex : spiritus scilicet amoris Dei & amo-
ris proximi : spiritus exercendi opera vi-
tæ activæ & opera vitæ contemplativa:
Spiritus mortificationis & orationis : spi-
ritus

ritus faciendi & docendi : denique spiritus gratiarum & virtutum in proprium meum commodum , & gratiarum gratis datarum , in commodum aliorum : ita ut per efficacissimam sacræ hujus communiois virtutem fiat discipulus sicut est Magister ejus ; eaque faciat opera admiranda , quæ ille fecit , ad solam & majorem Magistris honorem & gloriam. Amen.

FERIA VI.

Petitio Charitatis ad Patrem cœlestem.

I.

O Pater æterne ! Quid juvat , si linguis hominum loquar & Angelorum , charitatem autem non habeam ? nunquid ero velut æ sonans aut cymbalum tinniens , cuius sonus , non vivus , sed mortuus , alias excitat ad faciendum quod sonus indicat ; ipsum vero loco non movetur ? Quare gratiam tuam copiosam mihi infunde ; ut ampler charismata meliora , & adhuc excellentiorem viam , quam demonstrat Apostolus , ingrediar , viam scilicet divinæ charitatis , quæ omnium virtutum & gratiarum vita & anima est . O Sacramentum amoris ! confer mihi hodie te sumenti hanc